

**O'ZBEKISTON RESPUBLIKASI
OLIY VA O'RTA MAXSUS TA'LIM
VAZIRLIGI HUZURIDAGI
"MA'NAVIYAT VA MA'RIFAT"
MARKAZI**



**"SPIRITUALITY AND EDUCATIONAL"
CENTRE UNDER THE HIGH AND
SECONDARY MINISTRY OF
EDUCATION THE
REPUBLIC OF UZBEKISTAN**

100095, Toshkent shahar, Talabalar shaharchasi, Talabalar ko'chasi, 70
Telefon: (998-71) 246-95-43 Faks: (998-71) 246-64-75
e-mail: mm.markaz@umail.uz

100095, Tashkent city, Talabalar city, Street Talabalar, 70
Phone: (998-71) 246-95-43 Fax: (998-71) 246-64-75
e-mail: mm.markaz@umail.uz

28.09.2019 № 01-04/38

**Олий таълим муассасалари
ректорлари ва филиаллар
директорларига**

Олий таълим муассасаларида ўтказиладиган "Ахборот ва мураббийлик соати" машғулотлари Намунавий режасига мувофиқ, 2018/2019-ўқув йилининг йигирма иккинчи ҳафтасида ўтказиладиган "Ахборот ва мураббийлик соати" машғулотлари материаллари иловага мувофиқ юборилмоқда.

Шу муносабат билан, Сиздан мазкур ҳафта давомида ўтказиладиган "Ахборот ва мураббийлик соати" машғулотларини **"Диний бағрикенглик, толерантлик - халқлар дўстлигининг муҳим пойдевори"** мавзусида юқори савияда ўтказилишини таъминлашингиз сўралади.

(Машғулотлар вазирликнинг 2018 йил 13 сентябрдаги 87-02-2527-сонли хати орқали тақдим этилган "Ахборот ва мураббийлик соати сабоқлари" номли услубий қўлланмага мувофиқ равишда ташкиллаштирилиши лозим).

Илова: 14 бет.

**Хурмат билан,
"Маънавият ва маърифат"
маркази директори**



О.А.Худайназаров

“Диний бағрикенглик, толерантлик - халқлар дўстлигининг муҳим пойдевори” ҳафталиги “Ахборот ва мураббийлик соати”
машғулотларининг 1-босқичи материаллари. *

ЎЗБЕКИСТОН РЕСПУБЛИКАСИДАГИ ИҚТИСОДИЙ, ИЖТИМОИЙ-СИЁСИЙ ВОҚЕАЛАРГА ДОИР МАЪЛУМОТЛАР

ЎЗБЕКИСТОН РЕСПУБЛИКАСИ МОНОПОЛИЯГА ҚАРШИ КУРАШИШ ҚўМИТАСИ ФАОЛИЯТИНИ ТАШКИЛ ЭТИШ Тўғрисида

Ўзбекистон Республикаси Президентининг қарори
<http://uza.uz/oz/documents/zbekiston-respublikasi-monopolyaga-arshi-kurashish-mitasi-f-25-01-2019>

ЎЗБЕКИСТОН РЕСПУБЛИКАСИ КАПИТАЛ БОЗОРИНИ РИВОЖЛАНТИРИШ АГЕНТЛИГИ ФАОЛИЯТИНИ ТАШКИЛ ЭТИШ Тўғрисида

Ўзбекистон Республикаси Президентининг қарори
<http://uza.uz/oz/documents/zbekiston-respublikasi-kapital-bozorini-raivozhlantirish-agen-25-01-2019>

ЎЗБЕКИСТОН – ГЕРМАНИЯ: ЯНГИ МАЗМУН КАСБ ЭТГАН ХАМКОРЛИКНИ МУСТАҚАМЛАШ Йўлида

Ўзбекистон Республикаси Президенти Шавкат Мирзиёев Германия Федератив Республикаси Федерал канслери Ангела Меркелнинг таклифига биноан 2019 йил 20 январь куни расмий ташриф билан ушбу мамлакатга келди.

21 январь куни Берлин шаҳридаги Белью саройида Ўзбекистон Республикаси Президентини расмий кутиб олиш маросими бўлди. Шавкат Мирзиёевни Германия Федератив Республикаси Президенти Франк-Вальтер Штайнмайер кутиб олди.

**Эслатма: Мазкур ҳафтада ўтказилган “Ахборот ва мураббийлик соати” машғулотларининг 2-босқичи – Миллатлар дўстлиги тинчлигини ва тараққиётини учун энг муҳим омил эканлиги талаба-ёшларга таъкидланган.*

Ҳафталиқнинг 3-босқичида талаба-ёшларга ошанарварлик фазилати ҳақида тўқунча берилди, 4-босқичда – талабаларнинг қайси босқичдангизга қараб ойнинг бошида берилган китобларнинг бири ҳақида фикр-мулоҳаза юритилди. Ўқинишга берилган китобларга яқиний ҳулоса қилинди.

Давлатимиз раҳбари фахрий меҳмонлар китобига имзо қўйди. Олий мартабали меҳмон шарафига фахрий қоровул саф тортиди. Ўзбекистон ва Германия давлат махфиялари янгради. Президентлар фахрий қоровул сафи олдида ўтди.

Учрашувда Президентлар Ўзбекистон билан Германия ўртасидаги сиёсий мулоқотни янада мустаҳкамлаш, ўзаро манфаатли соҳалардаги алоқаларни икки ва кўп томонлама асосда ривожлантириш масалаларини муҳокама қилди.

Томонлар бундан буён ҳам Бирлашган Миллатлар Ташкилоти, Европада хавфсизлик ва ҳамкорлик ташкилоти каби нуфузли халқаро тузилмалар доирасида бир-бирини қўллаб-қувватлашда давом этаётганини билдирди.

Президентлар Германия ташаббуси билан ишлаб чиқилаётган, Европа Иттифоқининг Марказий Осиё бўйича янги стратегияси асосида муносабатларни мустаҳкамлаш муҳимлигини қайд этди.

Бугунги кундаги хавф ва таҳдидлар, биринчи навбатда, терроризм, экстремизм ва радикализмга қарши курашишда янада яқин ҳамкорлик қилишга қелишиб олинди. Афғонистонда тинчлик жараёнини тезроқ бошлаш бўйича ёндашувлар бир хил экани тасдиқланди.

Ўзбекистон иқтисодиёти тубдан модернизация қилинаётган ҳозирги жараёнда Германиянинг илгор тажрибаси ва технологияларини жалб этиш муҳим аҳамиятга эга экани таъкидланди.

Маданий-гуманитар соҳалардаги алоқалар ҳам муҳокама қилинди. Мактаб таълимида самарали немис технологияларидан фойдаланиш, жумладан, “Мактаблар: келажак шериклари” (PASCH) ташаббусини амалга ошириш, Ўзбекистонда Германиянинг етакчи олий таълим муассасалари филиалларини очиб, халқларимиз ўртасида маданий алоқаларни кенгайтириш истикболлари эътибор марказида бўлди.

Учрашув сўнггида Германия Федерал Президенти Франк-Вальтер Штайнмайер жорий йилнинг май ойида Ўзбекистонга ташриф билан боришини яна бир бор тасдиқлади.

Ўзбекистон Республикаси Президенти Шавкат Мирзиёев ва Германия Федерал канслери Ангела Меркелнинг музокаралари олдида оммавий ахборот воситалари вакиллари учун брифинг ўтказилди.

Ангела Меркель Ўзбекистон Президентининг ташрифи узоқ танаффусдан кейинги муҳим воқеа экани, икки томонлама ҳамкорлик ривожига катта туртки беришини таъкидлади.

– Биз Ўзбекистоннинг ишончли шериги бўлишни хошлаймиз. Мамлакатларимиз ўртасидаги алоқаларни кенгайтириш учун қўллаб-имкониятлар борлигини кўрмоқдамиз, – деди Германия канслери.

Шавкат Мирзиёев Ўзбекистон делегациясига кўрсатилаётган юксак ҳурмат учун чуқур миннатдорлик билдириб, немис халқини жорий йил май ойида нишонланадиган Германия Федератив Республикаси ташкил этилганнинг 70 йиллиги билан табриклади.

Сўнгги йилларда алоқалар жадал ривожланиб, янги мазмун билан бойиб бораётгани, сиёсий мулоқотлар фаоллашаётгани мамнуният билан қайд этилди.

Президент Шавкат Мирзиёев Германия Ўзбекистоннинг ишончли ва истиқболли шериги эканини, ўзаро ҳамкорликни сифат жиҳатидан янги, янада юқори босқичга олиб чиқишга интилишини алоҳида таъкидлади.

Томонлар Бирлашган Миллатлар Ташкилоти, Европада хавфсизлик ва ҳамкорлик ташкилоти ва бошқа халқаро тузилмалар доирасида янада яқиндан ҳамкорлик қилишдан манфаатдор экани қайд этилди. Европа Иттифоқининг Марказий Осиё бўйича янги стратегияси асосида Европа Иттифоқи – Марказий Осиё йўналишида ҳамда Германия – Марказий Осиё форматада муносабатларни мустаҳкамлашда давом этишларини таъкидлади.

Бўлажак учрашувда замонавий таҳдид ва хатарлар, аввало, терроризм ва экстремизмга қарши курашиш бўйича ҳамкорликни кучайтиришга алоҳида эътибор қаратилиши айтиб ўтилди. Афғонистонда тинчлик жараёнини тез фурсатда бошлаш ҳам кун тартибидagi муҳим масалалардан экани қайд этилди.

Ўзбекистон инсон ҳуқуқлари ва эркинликлари соҳасида конструктив мулоқот, шунингдек, давлат бошқаруви тизимининг шаффофлигига ҳамда коррупцияга тўлиқ барҳам берилишига эришиш мақсадида ҳамкорлик учун очик экани таъкидланди.

Томонлар инвестиция ва технологиялар соҳасидagi ҳамкорликни кенгайтиришга тайёр эканини билдирди. Ўзбекистон Президентини ташрифи арафасида ўтказилган бизнес-форумда 8 миллиард евродан зиёд қийматдagi янги лойиҳаларни амалга ошириш бўйича келишувларга эришилгани, бошқа битимлар бўйича ишлар давом этаётгани маълум қилинди.

Шунингдек, немис тили чуқурлаштирилган ҳолда ўқитиладиган мактаблар тармоғини кенгайтириш, Германиянинг етакчи олий таълим муассасалари билан алоқаларни ривожлантириш борасидagi ҳамкорлик учун улкан салоҳият мавжудлиги таъкидланди.

Ўзбекистон Республикаси Президентини Шавкат Мирзиёев билан Германия Федерал канцлери Ангела Меркелнинг учрашувида асосий эътибор савдо-иқтисодий, инвестициявий ва технологик ҳамкорликни ривожлантириш масалаларига қаратилди.

Халқаро ва минтақавий аҳамиятга молик асосий масалалар бўйича позициялар ўхшаш ва яқинлиги қайд этилди. Самарали мулоқотни икки ва кўп томонлама шаклда, жумладан, нуфузли халқаро тузилмалар доирасида изчил давом эттиришга интилиш муштарак экани тасдиқланди.

Германия канцлери Ўзбекистон Президентини раҳбарлигидagi иқтисодийни модернизация қилиш ва жамиятни янада демократлаштириш борасида амалга оширилаётган ислохотларни юқори баҳолади. Ўзбекистоннинг Марказий Осиёда дўстлик ва ўзаро ишонч муҳитини яратиш, кўп йиллик баҳсли масалаларни тинчлик йўли билан ҳал этиш ва минтақани глобал иқтисодиётга интеграция қилиш бўйича янги минтақавий сиёсатини олиқшлади.

Томонлар инсон ҳуқуқларини ҳимоя қилиш, атроф-муҳитни муҳофаза этиш масалаларини ҳам қўриб чиқди. Давлатимиз раҳбари Германия ҳукуматида Орол фожиаи оқибатларини бартараф этишдagi кўмаги учун миннатдорлик билдириб, Берлинни Оролбўйи учун кўп шериклик асосидagi Траст фонди фаолиятида фаол иштирок этишга қақирди.

Мулоқотда хавфсизлик соҳасидagi ҳамкорлик масаласига, жумладан, Афғонистон муаммосини ҳисобга олган ҳолда эътибор қаратилди. Бу масалани барча томонлар иштирокида, афғонлар раҳбарлигидagi тинч йўл билан ҳал этиш зарурлиги алоҳида қайд этилди.

Германия Ўзбекистоннинг технология ва инвестициялар соҳасидagi асосий шерикларидан биридир. Мамлакатларимиз ўртасида савдо соҳасида энг кўп қўлалиқ яратиш тизими жорий этилган. Ўтган йили товар айирбошлаш ҳажми 700 миллион евродан ошган.

Музокарада бу кўрсаткични 1 миллиард еврога етказиш учун барча имкониятлар борлиги таъкидланиб, бу борадagi истиқболли йўналишлар муҳокама қилинди.

Ўзбекистонда германиялик инвесторлар иштирокида 132 та фирма ва компания фаолият юритмоқда. Шундан 33 таси юз фоиз немис капиталли асосида тузилган, 31 таси юртимизда ўз ваколатхонасини очган. Ўзбекистон миллий банки Германиянинг 57 та банки билан алоқа ўрнатган. Тошкентда “Дойче-банк” бўлими ташкил этилган.

Мамлакатимизда дунёга машҳур немис компаниялари билан амалга оширилган йирик лойиҳалар муваффақияти ўзаро манфаатли инвестициявий ҳамкорликка мисол бўла олади. “MAN” концерни билан шерикликда замонавий юк автомобиллари, “Claus” ва “Lemken” компаниялари билан кишлоқ хўжалиги техникалари, “Knauf” билан қурилиш материаллари, “Deutsche Kabel” билан кабель-ўтказгич маҳсулотлари ишлаб чиқарилмоқда. Германиялик мутахассислар иштирокида “Қарши – Термиз” темир йўли электрлаштирилмоқда.

Ўзбекистон – Германия ишбилармонлар кенгаши ўзаро товар айирбошлаш ҳажминини ошириш ва тўғридан-тўғри инвестициялар оқимини кўпайтириш бўйича изчил иш олиб бормоқда. Молиявий-техникавий ҳамкорлик борасида маслаҳатлашувлар, савдо ва инвестициялар, кишлоқ хўжалиги бўйича ҳукуматлараро ишчи гуруҳлар мажлислари ўтказилмоқда.

Учрашувда савдо, саноат, газ-кимё, қурилиш соҳаларида ўзаро манфаатли қўшма лойиҳаларни амалга ошириш, молиявий-техник қўмак ва тажриба алмашишни кенгайтиришга келишиб олинди.

Ташриф доирасида кимё, қурилиш, энергетика, металлургия ва озиқ-овқат соҳалари етакчилари – «Siemens», «Tysen Kgrupp», «Claus», “MAN”, “Knauf”, «Linde», «Parepburg», «Human», «Volkswagen» каби халқаро миқёсдagi немис концернлари билан шерикликда янги кўп миллиардлик лойиҳаларни амалга ошириш бўйича келишувга эришилгани мамнуният билан қайд этилди.

Илм-фан, таълим соҳаларида ҳамкорликни ривожлантириш, маданий алоқалар ва туристлар алмасувини кенгайтириш муҳимлиги қайд этилди.

Ўзбекистонда 8 мингдан зиёд немис миллиягига мансуб юртдошларимиз яшамоқда. Маданияти ва анъаналарини сақлаб, ривожлантириши учун барча шароит яратилган. 400 мингдан ортиқ ўқувчи немис тилини ўрганмоқда. Яқинда Тошкент, Самарқанд ва Бухородаги мактабларга буюк немис олим ва ёзувчилари номлари берилди.

Тошкентдagi Гёте институти, Конрад Аденауэр ва Фридрих Эберт номидаги жамғармалар, Германия академик алмашинувлар хизмати (DAAD)

ваколатхоналари ва бошқа ташкилотлар халқларимиз ўртасидаги маданий-маърифий алоқаларни ривожлантиришга ҳисса қўшмоқда. Пойтахтимиз ва бир неча вилоятларда бўлимлари бўлган “Видергербург” немис маданият маркази, “Ўзбекистон – Германия” дўстлик жамияти фаолият юритмоқда.

Ўзбекистонда Германия фуқаролари учун 30 кунгача визасиз режим жорий этилгани муҳим воқеа бўлди. Бу мамлакатимизни кўришга кизиқадиган туристлар, бизнесини йўлга қўядиган инвесторлар ва бошқаларга катта қулайлик яратди.

Ташриф доирасида иқтисодиёт, савдо, молия, таълим, илм-фан ва инновация соҳаларига оид ҳукуматлараро ва идоралараро 9 та ҳужжат имзоланди. Томонлар мамлакатларимиз ва халқларимиз манфаати йўлида ўзаро ҳамкорликни янада ривожлантиришга интилишини билдирдилар.

Ўзбекистон Республикаси Президентини Шавкат Мирзиёев Германия Федератив Республикаси Бундестаги Раиси Вольфганг Шойбле билан ҳам учрашди.

Бундестаг Германиянинг бир палатали парламенти бўлиб, қонуналар қабул қилишдан ташқари Федерал канцлерни сайлаш ҳамда ҳукумат фаолиятини назорат қилиш каби муҳим функцияларни ҳам бажаради.

Ўзбекистон ва Германия парламентлари ўртасида яхши алоқалар йўлган қўйилган. Олий Мажлис Қонунчилик палатасида Бундестаг билан ҳамкорлик бўйича “Ўзбекистон – Германия” гуруҳи, Бундестагда эса “Германия Федератив Республикаси – Марказий Осиё” гуруҳи ташкил этилган.

Давлатимиз раҳбари Ўзбекистон билан Германия ўртасидаги ҳамкорликни ҳуқуқий жиҳатдан қўллаб-қувватлаш, халқларимиз манфаатини таъминлашда парламентлар муҳим ўрин тутитишини таъкидлади.

Бундестаг Раиси мамлакатимизда ҳуқуқий демократик давлат ва кучли фуқаролик жамияти барпо этиш борасида рўй бераётган ўзгаришларни юқори баҳолади.

Мулоқотда қонун устуворлигини таъминлаш, парламент назорати, ижтимоий ва иқтисодий ислохотлар самарадорлигини ошириш бўйича тажриба алмашиш масалалари муҳокама қилинди. Ташриф доирасида савдо-иқтисодий, инвестициявий ва бошқа соҳаларда эришилган қелишувларни амалга ошириш бўйича қабул қилинадиган “йўл харитаси”га асосан парламентлараро ҳамкорлик қилиш муҳимлиги таъкидланди.

Ўзбекистон Президентининг Германияга расмий ташрифи барча даражадаги, жумладан, парламентлар ўртасидаги алоқаларнинг янги йўналишларини белгилаб бергани қайд этилди.

Давлатимиз раҳбари Бундестаг биносини кўздан кечирди. Мамлакатимиз делегациясига Бундестаг тарихи ва фаолияти ҳақида сўзлаб берилди.

Президент Шавкат Мирзиёев шу куннинг ўзида Мюнхен шахрига ташриф буюрди. Ўзбекистон делегацияси учун ажратилган қароргоҳ ёнида Баварияда ўқийётган, ишлаётган ўзбекистонлик ёшлар билан мулоқот қилди.

22 январь куни Бавария Бош вазири Маркус Зёдер, Германиянинг етакчи компания ва банклари раҳбарлари билан учрашувлар ўтказилиши режалаштирилган.

ШАВКАТ МИРЗИЁЕВ: ҚАНЧА КЎП БИЛИМЛИ БЎЛСАК, ШУНЧА ҚУДРАТЛИ БЎЛАМИЗ

Германияда ўқийётган, илмий изланишлар олиб бораётган бир гуруҳ ўзбекистонлик ёшлар Берлин шахрида Президент Шавкат Мирзиёевни катта хурсандчилик билан кутиб олди. Бу ҳақида президент матбуот хизмати хабар бермоқда.

Мамлакатимиз делегацияси жойлашган қароргоҳ олдида самимий суҳбат бўлиб ўтди. Давлатимиз раҳбари ватандошларимизнинг ўқиш ва ишлари, орзу-истаклари билан қизиқди.

– Ривожланган давлатлар барча соҳаларга илмий ёндашиб натижага эришган. Биз ҳам жуда катта изланишдамиз. Бугун ҳаракатларимиз дунё билан тенг бўлишга, халқимизга муносиб ҳаёт яратишга қаратилган. Ислохотларни сиздек илгор ёшлар билан бирга амалга оширамиз. Ҳамма ўрганган билим, “ноу-хау”ларингни Ўзбекистоннинг ҳар бир соҳаси интиқлик билан қутяпти. Қанча кўп билимли бўлсак, шунча қудратли бўламиз,- деди Шавкат Мирзиёев. Президент ёшларни ўқиш ва изланишларини муваффақиятли тугатиб, билим ва тажрибаларини мамлакатимиз ривожига йўналтиришга тақлиф этди.

ТАШРИФ ДОИРАСИДА ЭРИШИЛГАН КЕЛИШУВЛАР ЎЗБЕКИСТОН МАНФААТИГА ХИЗМАТ ҚИЛАДИ

Ўзбекистоннинг ташқи сиёсат соҳасидаги ислохотлари, барча мамлакатлар билан ўзаро манфаатли ҳамкорликни мустахкамлаш йўлини танлагани юртимиз равнақи ва халқимиз фаровонлигини юксалтиришга хизмат қилмоқда. Президентимиз Шавкат Мирзиёевнинг Германия Федератив Республикасига расмий ташрифи давомида бу яна бир қарра исботини топди.

Ташриф давомида Берлин ва Мюнхен шахарларида бўлиб ўтган олий даражадаги музокараларда ўзаро манфаатли шериклик муносабатларини янги босқичга кўтаришга қаратилган муҳим қелишувларга эришилди. Бу Ўзбекистондаги ислохотлар Германияда ҳам катта қизиқиш уйғотаётгани, ушбу мамлакат юртимиз билан савдо-иқтисодий ва инвестициявий ҳамкорликни мустахкамлаш, иқтисодиётнинг етакчи тармоқларига илгор технологияларни янада кенг жорий этишга интилаётганининг яққол намоёни бўлди.

Ўзбекистон Республикаси Президентини Шавкат Мирзиёевнинг Германияга расмий ташрифи доирасида Мюнхен шахрида ушбу мамлакат етакчи компания ва банклари раҳбарлари билан учрашуви бу борадаги ҳамкорликни янада фаоллаштиришга янги суръат бағишлайди.

Учрашувда “Сименс”, “Тиссен Крупп”, “Фольксваген”, “Кнауф”, “Клаас”, “МАН”, “Дойче Бан”, “Линде Груп”, “Фальк Порше Текник”, “Атлас Интернешнл”, “Тенова”, “Гизике-Дэвриэнг”, “Паппенбург”, “Ойлер Гермес”, “Дойче банк”, “Коммерцбанк” каби Европа ва жаҳон бозорининг етакчи компаниялари, молиявий тузилмалари раҳбарлари иштирок этди.

Унда бугунги кунда Ўзбекистонда амалга оширилаётган тўб янгиланиш ва ислохотлар, айниқса, иқтисодиётнинг эркинлаштирилиётгани

мамлакатимизнинг изчил ривожланиши ва аҳоли фаровонлигининг юксалиши учун шарт-шароит яратилгани таъкидланди.

Германия дунёнинг юксак ривожланган, улкан савдо-иқтисодий ресурслар, кенг инвестицион салоҳият ва илгор технологик ишланмаларга эга давлатларидан биридир. Ўзбекистоннинг бой табиий ресурслари, юқори даражадаги инсон капитали, тармоқланган инфратузилмаси, қўлай инвестиция муҳити Германия билан савдо-иқтисодий алоқаларни янада кенгайтиришга жиддий асос яратмоқда. Бундан ташқари, Ўзбекистон Марказий Осиёда нафақат қўлай географик жойлашуви, балки ижтимоий-сиёсий ва макроиқтисодий барқарорлиги билан ҳам ажралиб туради. Шунингдек, германиялик ҳамкорлар Ўзбекистоннинг иқтисодий тармоқларини техник ва технологик жиҳатдан модернизация ва диверсификация қилишга йўналтирилган пухта ўйланган сиёсий интилишини юқори баҳолайди.

Мамлакатимизда хоржий инвесторлар учун қўлай имкониятлар яратилаётгани алоҳида қайд этилди. Инвесторларнинг фаолиятини рағбатлантириш ва химоя қилиш учун зарур меъёрий-ҳуқуқий ҳужжатлар қабул қилинди. Бизнес ривожини йўлидаги тўсиқлар бартараф этилди, ташқи савдо ва божхона-тариф назорати сезиларли қисқартирилди.

Хоржий инвесторлар билан бевосита мулоқот қилиш мақсадида амалга оширилаётган ислохотларни маслаҳат ва экспертлик жиҳатидан қўллаб-қувватлаш, долзарб масалалар, жумладан, мамлакатда инвестиция муҳитини янада яхшилаш бўйича тақлифлар ишлаб чиқиш учун Ўзбекистон Республикаси Президентини ҳузурида Эксперт кенгашини ташкил этиш тўғрисида қарор қабул қилинди.

Давлатимиз раҳбари учрашув иштирокчиларини ушбу кенгаш ишида фаол иштирок этишга тақлиф қилди.

Самарали савдо-иқтисодий ва инвестициявий ҳамкорликни мустахкамлашда Германия иқтисодиёти шарқий қўмитаси муҳим ўрин эгаллаши таъкидланди.

Ташкил этилаётган Инвестиция ва технологиялар қўмитаси ўзаро манфаатли амалий ҳамкорликнинг янги механизмига айланиши лозимлиги қайд этилди.

Германия ишбилармон доиралари вакиллари Ўзбекистонда амалга оширилаётган иқтисодий ислохотларни юқори баҳолаб, валюта ва солиқ тизимларининг либераллашуви, виза олиш тартиби соддалаштирилгани, жумладан, 30 кунгача муддатга визасиз тартиб жорий этилгани Ўзбекистонда муваффақиятли бизнес юритиш учун қўшимча қўлайликлар яратишини таъкидлади.

14 январь кунини Берлин шаҳрида бўлиб ўтган бизнес-форумда қиймати 8 миллиард евродан зиёд шартнома ва келишувлар имзолангани бунинг далилидир.

Учрашувда Ўзбекистон ва Германия молиявий ташкилотлари, фирма ва компаниялари ўртасидаги шерикликни янада ривожлантириш, инвестиция ва технологик ҳамкорликни кенгайтириш ҳамда кадрлар тайёрлаш масалалари муҳокама қилинди.

Айни пайтда Ўзбекистонда Германия инвесторлари иштирокида ташкил этилган 110 дан зиёд корхона фаолият юритмоқда, улардан 30 га яқини тўлиқ Германия капитали эвазига ташкил этилган.

Сухбат чоғида Ўзбекистон Президентининг ушбу ташрифи мамлакатларимиз ишбилармон доиралари вакиллари ўртасидаги ўзаро манфаатли алоқаларни янги босқичга кўтаришига ишонч билдирилди.

Германия Ўзбекистоннинг стратегик муҳим инфратузилмасини такомиллаштиришда ҳам фаол иштирок этмоқда. Шу ўринда Тошкент шаҳридаги халқаро аэропортни реконструкция ва модернизация қилиш бўйича умумий қиймати 50 миллион евро миқдоридаги йирик лойиҳани алоҳида айтиб ўтиш жоиз. Германия «Навой» эркин иқтисодий зонаси, унинг қўлай имкониятларига ҳам катта қизиқиш билан қарамоқда.

Мамлакатимизда Германиянинг машҳур санат гигантлари – “МАН”, “Клас” “Кнауф” ва бошқа компаниялар билан ҳамкорликда ташкил этилган ишлаб чиқариш корхоналари муваффақиятли фаолият юритмоқда. Автомобилсозлик соҳасида икки томонлама ҳамкорлик жадал ривожланмоқда. АҚШнинг енгил автомобиллар ишлаб чиқарувчи “Женерал моторс” ҳамда Япониянинг кичик автобуслар ишлаб чиқарувчи “Исузу” компанияси катори мамлакатимизда Германия автогигантларидан бири бўлган “МАН” компанияси билан ҳамкорликда юқ автомобиллари ишлаб чиқариш йўлга қўйилгани фикримиз далилидир.

Биз бу борадаги ҳамкорликни янада кенгайтиришдан манфаатдормиз. Ўзаро ишончга асосланган истиқболли лойиҳаларни қўллаб-қувватлашга тайёرمىз, деда давлатимиз раҳбари.

Мулоқотда Ўзбекистон ва Германия молия муассасалари, фирма ва компаниялари ўртасида алоқаларни янада ривожлантириш, ўзаро маҳсулот етказиб бериш ва хизмат кўрсатиш ҳажмини кенгайтириш масалалари муҳокама қилинди.

Президентимизнинг Германия Федератив Республикасига ташрифи самарали бўлди. Ушбу ташриф, унинг доирасида эришилган барча келишувлар Ўзбекистон манфаати, иқтисодиётимиз тараққиёти ва халқимиз фаровонлигига хизмат қилади.

ЎЗБЕКИСТОНДА ҚОЗОҒИСТОН ЙИЛИ МАМЛАКАТЛАРИМИЗ ЎРТАСИДАГИ ДЎСТОНА МУНОСАБАТЛАРНИ ЯНГИ, ЯНАДА ЮҚОРИ БОСҚИЧГА ҚўТАРАДИ

Ўзбекистон Республикасининг Қозоғистон Республикасидаги Фавқулодда ва мухтор элчиси Саидикром Ниёзхўжаев билан мамлакатларимиз ҳамкорлигининг бугунги ҳолати ва янада ривожлантириш истиқболлари ҳақида суҳбатлашдик.

– Элчи жаноблари, мамлакатимиздаги кенг қўламли ўзгаришлар ва халқаро ташаббуслар ҳақида Қозоғистон жамоатчилиги, сиёсий ва таҳлилий доираларининг фикри қандай?

– Жаҳон миқёсида кузатилаётган ва тобора кучайиб бораётган глобал ўзгаришлар, рақобат, қарама-қаршилик, турли манфаатлар тўқнашуви, геосиёсий зиддиятлар даврида Ўзбекистон Президентини Шавкат Мирзиёев бошчилигида мамлакатимизни тараққий эттириш, барча давлатлар билан

ўзаро манфаатли ва амалий руҳдаги ташки сиёсат олиб боришга йўналтирилган ислохотларга Қозоғистон жамоатчилиги ҳам қатта қизиқиш билдирмоқда.

Таъкидлаш жоизки, Президентимиз томонидан олиб борилаётган Ўзбекистоннинг ҳар томонлама чуқур ўйланган ташки сиёсати туфайли, Қозоғистон сиёсий доиралари таъбири билан айтганда, Марказий Осиё минтақасида қисқа вақтда янги сиёсий иқлим ташкил топди ва бунинг натижасида қўшни давлатлар билан дўстона ва ўзаро ишонч руҳидаги муносабатларни янада мустаҳкамлашга эришилди.

Ўзбекистон Президентининг БМТ, МДҲ, ШҲТ, ИХТ ва бошқа халқаро ташкилотларда илгари сурган ўта муҳим ташаббусларини Қозоғистон томони ҳар томонлама қўллаб-қувватлаб келмоқда. Шавкат Мирзиёев ташаббуси билан 2018 йил 15 март куни Қозоғистон пойтахти Остона шаҳрида ўтказилган Марказий Осиё давлатлари раҳбарларининг биринчи маслаҳат учрашуви бунга ёрқин мисол бўла олади. Натижада Марказий Осиё минтақасида кўп қиррали ҳамкорликнинг таъсирчан механизми, хавфсизлик ва барқарорликнинг муҳим омилига айланган очик ва конструктив мулоқот майдони пайдо бўлди.

Яна бир мисол сифатида Ўзбекистон раҳбари БМТ Бош Ассамблеясининг 72-сессиясидаги нутқида илгари сурган “Марказий Осиё минтақасида тинчлик, барқарорлик ва изчил таракқиётни таъминлаш бўйича минтакавий ва халқаро ҳамкорликни мустаҳкамлаш” ҳамда “Маърифат ва диний бағрикенглик” тўғрисидаги ташаббуслари бўйича БМТ резолюциялари бир овоздан қабул қилингани ва бу ҳужжатлар қатор давлатлар, жумладан, Қозоғистон билан бирга ишлаб чиқилганини таъкидласа бўлади. Бундай мисолларни яна кўплаб келтириш мумкин.

– Сиз раҳбарлик қилаётган элчихона томонидан кейинги икки йилда Қозоғистондаги ҳамкорлар билан савдо-иқтисодий, инвестициявий ва туристик алоқаларни ривожлантириш бўйича қандай ишлар бажарилди?

– Кейинги икки йилда қозоғистонлик шериклар билан савдо-иқтисодий муносабатларни ривожлантириш, транспорт-логистика соҳасидаги ҳамкорлик, ҳудудлар даражасидаги ўзаро алоқаларни кенгайтириш ва бошқа масалалар бўйича аниқ ижобий натижаларга эришилди. Қозоғистонда 2018 йил Ўзбекистон йили, деб эълон қилингани икки томонлама муносабатларда янгича суръат, сифат ва мазмун касб этди.

Мамлакатларимиз ўртасида машинасозлик, электротехника, озик-овқат саноати, туризм, транспорт ва логистика соҳаларида кооперация дастурлари ва лойиҳалари амалга оширилмоқда. Буларнинг замирида Президентлар Шавкат Мирзиёев ва Нурсултон Назарбоев томонидан олиб борилаётган сиёсат ҳамда юқори даражадаги очик ва дўстона муносабатлар мужассам.

Қисқа вақтда икки давлатнинг ўзаро савдо ҳажми юқори суръатларда ўсиб, 2017 йилда 2 миллиард долларни ташкил этган бўлса, 2018 йилда бу кўрсаткич 2017 йилга нисбатан яна 30 фоиздан зиёд ошганини кузатиш мумкин. Бундай марраларни қўлга киритишда мамлакатларимиз ўртасидаги муносабатлар динамикаси фаоллашгани, Ҳукуматлараро қўшма комиссия доирасида мунтазам учрашувлар ва 2018 йилда биринчи ҳудудлараро ҳамкорлик форуми ўтказилгани муҳим ўрин тутди.

Бу жараёнда элчихонамиз ҳам фаол иштирок этмоқда. Мамлакатимизнинг тегишли ташкилотлари билан биргаликда қатор тадбирлар ташкиллаштирилди. Жумладан, Ўзбекистон Савдо-сансат палатаси, Ташки савдо вазирлиги ҳамкорлигида Чимкент шаҳрида Ўзбекистон – Қозоғистон ишбилармонлари кенгашининг биринчи мажлиси ва бизнес-форуми муваффақиятли ўтказилди.

Алмати шаҳрида ўтган “Болалик” ва “Болалар модаси – 2018” кўргазмаларида элчихона томонидан ташкил этилган Ўзбекистонда ишлаб чиқарилаётган болалар кийим-кечаклари тақдимоти натижасида “Лорат текстиль” компанияси қозоғистонлик ҳамкорлар билан шартнома имзолади. “Ўзбекистон темир йўллари” АЖ билан биргаликда “Қазақстан темир жолы” миллий компанияси ва Қозоғистон Қишлоқ хўжалиги вазирлиги вакиллари иштирокида ўтказилган музокаралар натижасида темир йўл транспорттида маҳсулот ташишда имтиёзлар тақдим этишга келишилди.

Ўзбекистон товар-хомашё биржаси билан “Товарная биржа “ЕТС” АЖ келишувига мувофиқ, Алмати шаҳрида биржа савдолари электрон тизимига боғланган биринчи хорижий савдо майдончаси иш бошлади. Мамлакатларимиз ҳудудлари ўртасида савдо-иқтисодий, инвестициявий ва туристик алоқаларни ривожлантириш мақсадида Қорақалпоғистон Республикаси, Жиззах, Самарканд, Сирдарё, Тошкент, Хоразм вилоятлари ва Тошкент шаҳар ҳокимлари ўринбосарлари бошчилигидаги ишбилармон доиралар вакиллари Қозоғистон вилоятларига ташрифи ва мамлакатимизда ишлаб чиқарилган маҳсулотлар кўргазмалари ташкил этилди.

Чимкент шаҳрида ўтказилган Ўзбекистон – Қозоғистон биринчи ҳудудлараро форумида умумий қиймати 324,7 миллион АҚШ долларидан ортиқ шартномалар имзоланди. Ҳудудлар ўртасида икки томонлама муносабатларни ривожлантириш бўйича 15 та келишувга қўл қўйилди.

Умуман, 2018 йилда элчихона мамлакатимизнинг тегишли вазирлик ва идоралари, ҳудудлари билан бирга ўтказилган тадбирлар натижасида икки давлат кичик ва ўрта бизнес субъектлари ўртасида қиймати 409,6 миллион долларга тенг экспорт шартномалари имзоланди.

Қозоғистонлик ҳамкорлар билан ўтган йили Қозоғистонда Ўзбекистон туризм йили ўтказилди. Унинг доирасида Ўзбекистон Республикаси Туризмни ривожлантириш давлат қўмитаси билан бир қатор тадбирлар амалга оширилди. Март ойида Остона шаҳрида Ўзбекистон – Қозоғистон биринчи сайёҳлик форуми ўтказилди. Унда икки давлатдан 200 дан зиёд турсоператор қатнашди.

Алмати шаҳрида ўтган “Kazakhstan international Trade” халқаро сайёҳлик ярмаркасида мамлакатимиз вакиллари иштирок этди. Унда ярмарка иштирокчиларига юртимиздаги аъъанавий сайёҳлик йўналишлари билан бир қаторда табиёт туризми ҳақида ҳам маълумотлар тақдим этилди. “Qazaqstan” миллий телеканали вакиллари учун Тошкент, Самарканд, Бухоро шаҳарлари бўйлаб ташкил этилган медиа-тур қозоғистонликларга юртимизнинг сайёҳлик имкониятларини кенг намойиш қилиш имконини берди.

Сайёҳларга янада қулайлик яратиш мақсадида Алмати – Тошкент – Алмати йўналишида авиақатновларни ҳафтага 10 мартага ва Остона – Тошкент – Остона йўналиши бўйича 6 тага чиқариш бўйича музокаралар ўтказилди.

Ўзбекистон Хотин-қизлар қўмитаси билан ўтказилган талбирлар натижасида Қозоғистон ишбилармон аёллар ассоциацияси ўзбекистонлик шериклари билан туризмни ривожлантириш тўғрисида шартнома имзолади. Умуман, туризм соҳасида амалга оширилган ишлар натижасида 2 миллиондан ортиқ қозоғистонлик сайёҳ Ўзбекистонга ташриф буюрди.

– Элчихона томонидан кўрсатилаётган хизматлар сифати, хорижда Ўзбекистон фуқароларининг ҳуқуқ ва манфаатлари самарали ҳимоя қилиниши борасидаги саъй-ҳаракатлар тўғрисида нима дея оласиз?

– Ўзбекистон фуқароларининг ҳуқуқ ва манфаатларини ҳимоя қилиш элчихонамиз диққат марказида турган асосий вазифалардан биридир. Шу мақсадда Ўзбекистон ва Қозоғистон Ташқи ишлар вазирликлари ўртасида Остона шаҳрида консуллик масалалари бўйича маслаҳат учрашуви ўтказилди.

Элчихона консуллик рўйхатида 49,5 мингдан ортиқ Ўзбекистон фуқароси ҳисобда туради. 2018 йилда фуқароларимиздан тушган 400 дан ортиқ ариза бўйича зарур чоралар кўрилди. Юртдошларимизга консуллик хизматлари, яъни фуқаролик масалалари бўйича хужжатларни расмийлаштириш, шахсни тасдиқлаш ва Ватанга қайтиш гувоҳномаларини ёзиб бериш, нотариал амалларни бажариш, уларнинг ҳуқуқ ва манфаатларини ҳимоя қилишдан ташқари, фавқулодда вазиятларда ҳам амалий ёрдам кўрсатилди.

Фуқароларимизга ўз вақтида ва сифатли консуллик хизматлари кўрсатиш мақсадида Остона шаҳридаги консуллик бўлимидан ташқари, Алмати ва Оқтау шаҳарларида Ўзбекистон Республикасининг Бош консулхоналарини очиб бўйича Қозоғистон томони билан амалий ишлар олиб борилди. Ҳозирги кунда фуқароларимиз нафақат Остонада, балки Алмати ва яқин кунларда Оқтау шаҳарларида ҳам консуллик хизматларидан фойдаланиши мумкин бўлади.

Ўйлаймизки, кўрилаётган чора-тадбирлар натижасида юртдошларимизга кўрсатилаётган консуллик хизматлари кўлами янада кенгайди ва биз Ўзбекистон фуқароларининг ҳуқуқ ва манфаатларини ҳимоя қилиш бўйича олдимизга қўйилган вазифаларни урдамаймиз.

– 2019 йилда Ўзбекистонда Қозоғистон йили ўтказилади. Шу борада кўрилаётган тайёргарлик ҳақида ҳам сўзлаб берсангиз.

– Албатта, 2019 йилда Ўзбекистонда Қозоғистон йилини ўтказиш доирасида катор йирик тadbирларга тайёргарлик кўрилмакда. Ҳозирги кунда элчихонамиз Қозоғистон томони билан мазкур йилни хар томонлама кўтаринки руҳда ўтказишга мўлжалланган “Йўл харитаси” ишлаб чиқмоқда.

Ўзбекистонда Қозоғистон йили нишонланиши элчихонамиз зиммасига ҳам улкан вазифа юқлайди. Биз ўтган йилдаги фаолиятимизни танқидий таҳлил этиб, 2019 йилда олдимизда турган вазифаларни қатъий тартиб-интизом ва шахсий жавобгарлик асосида амалга оширишни мақсад қилганмиз.

Жумладан, амалдаги савдо-иқтисодий алоқаларни янада кенгайтириш ва жорий йилда савдо айланмаси ҳажмини 4 миллиард долларга, хусусан, экспорт кўрсаткичларини 2,3 миллиард долларга етказиш маррасини қўйганмиз. Тўғридан-тўғри сармояларни жалб этиш мақсадида икки томонлама қўшимча қиймати юқори бўлган маҳсулотлар ишлаб чиқарувчи йирик лойиҳаларни амалга ошириш юзасидан ҳам манзилли ишлар олиб борилади.

Ўйлаймизки, 2019 йил – Ўзбекистонда Қозоғистон йили мамлакатларимиз ўртасидаги дўстона муносабатларни янги, янада юқори босқичга кўтаради.

АҲОЛИ ФАРОВОНЛИГИГА ХИЗМАТ ҚИЛАДИГАН ИСТИҚБОЛЛИ ИНВЕСТИЦИЯ ЛОЙИХАЛАРИ УЧУН БАРЧА ШАРОИТ ЯРАТИЛАДИ

Ўзбекистон Республикаси Президентини Шавкат Мирзиёев 24 январь кuni 2019 йилда Тошкент шаҳрида амалга ошириладиган инвестиция лойиҳаларига оид маълумотлар билан танишди.

Давлатимиз раҳбари 2018 йил 21 декабрь кuni халқ депутатлари Тошкент шаҳар Кенгашининг навбатдан ташқари сессиясида пойтахтимизга йирик бизнес вакиллари ва салоҳиятли инвесторларни жалб қилиш, шаҳарда энг қулай инвестиция муҳитини яратиш зарурлигини таъкидлаган эди.

Шунга мувофиқ, жорий йил 4 январь кuni Ўзбекистон Республикаси Вазирлар Маҳкамасининг “Тошкент шаҳрини инфратузилмавий ривожлантиришга тўғридан-тўғри хорижий инвестицияларни жалб қилишга доир қўшимча чора-тадбирлар тўғрисида”ги қарори қабул қилинди. Мазкур қарорга кўра, 2019 йилда Тошкент шаҳри иқтисодиётига 2 миллиард 700 миллион доллар миқдоридда тўғридан-тўғри хорижий инвестициялар жалб этиш, бунинг эвазига 273 та лойиҳани амалга ошириш белгиланган.

Таҳдидотда мазкур лойиҳаларнинг соҳалари ва жойлари, маблағларни ўзлаштириш муддатлари таҳлил қилинди.

Масалан, металлургия, тўқимачилик, озик-овқат, қурилиш, фармацевтика, нефть-кимё ва бошқа саноат тармоқларида жами 115 та, хизмат кўрсатиш соҳасида 103 та, турар жойлар йўналишида 55 та лойиҳа режалаштирилган. Бу 37 мингга яқин иш ўрни яратиш ва аҳолининг маиший шароитларини янада яхшилаш имконини беради.

Президентимиз лойиҳаларнинг иқтисодий самарадорлиги ва иқтисомий аҳамиятига алоҳида эътибор қаратди. Хорижий инвесторларга кўмаклашиш, лойиҳаларнинг белгиланган муддатларда амалга оширилишини назорат қилиш бўйича кўрсатмалар берди.

Инвестиция бўлмаса, иқтисодиёт ривожланмайди. Инвесторларга муҳит, инфратузилма яратсак, иш жойи бўлади, маҳсулот кўпаяди, солиқ тушади. Корхоналарнинг фаолиятини янада ривожлантиришга эътибор қаратиш керак, деди Шавкат Мирзиёев.

Давлатимиз раҳбари 8 январь кuni ўтказилган видеоселектор йиғилишида инвестицияларнинг асосий қисмини ўзлаштиришни йилнинг охириг ойларига қолдириш амалиётига чек қўйиб, барча тармоқлар ва ҳудудларда бuni биринчи ярим йилликда камида 35 фоизга, тўққиз ойликда

70 фозга етказиш бўйича топшириқ берган эди. Шунга мувофиқ, Тошкент шаҳрида ҳам жорий йилги инвестицияларнинг 70 фоизини I-III чорақларда ўзлаштириш режалаштирилган. Хар бир лойиҳанинг босқичлари, масъулилари ва муддатлари аниқ белгиланган.

Тақдиротда инвестиция лойиҳаларини амалга оширишни мониторинг ва назорат қилиш механизми ҳақида ҳам сўзлаб берилди. Унга кўра, Тошкент шаҳар прокуратураси бошчилигида пойтахтимизнинг хар бир туманида илчи гуруҳлар тузилган. Инвесторларга ер ажратилишдан бошлаб, лойиҳа фойдаланишга топширилгунча бўлган барча босқичлардаги чора-тадбирлар аниқ белгиланган. Бу лойиҳаларни расмийлаштириш ва амалга ошириш жараёнида шаффофик, ҳалоллик таъминланади, коррупцияга йўл қўйилмайди.

Шавкат Мирзиёев лойиҳаларни қўллаб-қувватлаш, уларни амалга оширишда юзага келадиган масалаларни тезкор ҳал қилиш, корхоналар ишга тушгандан кейин ҳам уларнинг самарали фаолият кўрсатишига ёрдам бериш зарурлигини таъкидлади.

Тошкент иқтисодийига доир яна бир янгиллик – Сергели туманида 100 гектардан зиёд ҳудудда Европа стандартлари бўйича замонавий индустриал технопаркни ишга тушириш режалаштирилган. Бунинг инвесторлар учун қулайлиги шундаки, барча бино-иншоотлар тўлиқ тайёр ҳолда топширилиб, зарур инфраузилма билан таъминланади.

Бугунги кунда технопаркни лойиҳалаш ишлари бошлаб юборилган, хозирданок 85 фоз ер тадбиркорларга ажратиб берилган. Бу ерда 10 мингдан ортик иш ўрни яратиш мўлжалланган.

Мутасаддиларга технопаркни тезроқ ишга тушириш, юқори қўшимча қийматли маҳсулотлар ишлаб чиқаришни ривожлантириш бўйича кўрсатмалар берилди.

Тошкент шаҳрида коммунал хизматлар сифатини ошириш, муҳандислик-коммуникация тармоқларини модернизация қилиш масалаларига ҳам эътибор қаратилмоқда. Хусусан, Юнусобод туманидаги кўп қаватли уйларни бошқариш тизимини таъриба тарикасида профессионал бошқарув компанияларига ўтказиш лойиҳаси ҳақида маълумот берилди.

Юнусобод туманида 1 минг 212 та кўп қаватли уй бор. Режага кўра, ушбу уйларга хизмат кўрсатиш профессионал бошқарув компанияларига берилади. Бунинг натижасида тизимдаги молиявий ҳолатни соғломлаштириш, муаммоли кредитларни ҳал этиш, моддий-техник базани мустаҳкамлашга эришиш кўзда тутилган. Шундай бўлгач, аҳоли муружаатлари билан ишлаш ҳам яхшиланади, туну кун ишлайдиган авария-диспетчерлик хизмати йўлга қўйилади.

Президентимиз кўп қаватли уйларнинг ҳолати, одамларнинг розилиги бу тизимга боглик эканини таъкидлаб, ушбу таърибани шаҳарнинг бошқа туманларида ҳам татбиқ этиш, соҳага ихтисослашган кадрлар тайёрлашни тақомиллаштириш бўйича топшириқлар берди.

Тошкент шаҳрида замонавий уйлар, меҳмонхоналар, таълим ва тиббиёт муассасалари ҳамда бошқа иншоотлар барпо этиш, иссиқлик таъминоти тизимини ривожлантириш, коммунал хизматлар бошқарув марказини ташкил этиш лойиҳалари юзасидан ҳам тегишли кўрсатмалар берилди.

ЁШ ОЛИМЛАРГА ГРАНТ АЖРАТИЛДИ

Олий ва ўрта махсус таълим вазирлиги Ўзбекистон ёшлар иттифоқи ҳамда ҳамкор ташкилотлар билан биргаликда ташкил этилган “Республика ёш олимларнинг инновацион лойиҳалари” грант танлови ғолиблари аниқланди.

Танлов якунларига кўра аниқ, ижтимоий-гуманитар ва табиий фанлар йўналишида тўққиз нафар ёш олимга ўз лойиҳасини амалиётга бирламчи татбиқ этиши учун 5 миллион сўмдан берилди.

Ёш олимларнинг ушбу лойиҳалари ўзини окласа ва уни Ўзбекистон шароитида амалиётга татбиқ этиш мумкин бўлса, уларга яна қўшимча 5 миллион сўмдан маблағ ажратилади.

Маълумот учун, “Республика ёш олимларнинг инновацион лойиҳалари” грант танловида бакалаврият, магистратура, докторантурада таҳсил олаётган, шунингдек, мустақил изланувчи сифатида илмий изланишлар олиб бораётган 18-35 ёшдаги ёшлар ўзининг илгор лойиҳалари билан иштирок этишлари мумкин.